

THESES PHILOSOPHICÆ,

Q U A S S

STIPENDIARIIS OCCASIONEM EXERCITATIONIS
OBLATURAS,

EXAMINI PUBLICO SUBJICIT

P R A E S E S

DANIEL M'GREEN,

Ph. & Jur. Utr. Doct. Juris Econ. & Comm. Prof.

R E S P O N D E N T E

CAROLO HENRICO STÅHLBERG,

Stipend. Publ. Ostrob.

In Auditorio Philosophico die XIII Nov. MDCCCXXII.

horis a. m. solitis.

A B O A E ,

ex Officina Typographica FRENCKELLIANA.

(9.)



Th. I.

Natio (pars generis humani), si objective ipsam spectes, magnitudo est organica tum ad quantitatem tum ad qualitatem varians. Evolutio nationis ex viribus pendet vivis, quæ secundum leges operantur organicæ naturæ proprias nec umquam mutabiles. Doctrina systematica, cognitionem harum virium, ipsiusque rei, in quam operantur, proponens, simul que ex principio naturæ ac rationi communi constanter & diuicile deducens leges, quas in progressu suo sequitur objecti evolutio, *Oeconomiam* appellare placet.

Th. II.

Effectuum, quos communes in tempore præterito cædem pariunt vires, systematica expositio, ita consideratorum, ut ad causam & quæ inde sequantur semper fiat respectus, quo sic præsentem objecti evolutionem explicitam habeas atque declaratam, *Historia* nominatur.

Th. III.

Si præsens monumentum, quo hæ organicæ vires in evolutionem objecti, certo ac definito temporis articulo spectandam, communiter operantur, systematically explanamus, & hocce momentum tum ut ex præterita evolutione objecti profectum, tum

tum caussam futuræ ac continuæ percipimus, scientia existit
Eidosistices nomine distingvenda.

Th. IV.

Cum res, circa quam hæ tres disciplinæ versantur, sit Natio, ceu pars generis humani, patet, vivas vires organicas, ad quam adtendere debent Oeconomia, Historia & Eidosistice, has esse: 1 rerum Naturæ externæ, *Organismi Naturæ*, 2 Naturæ propriæ, internæ, quæ in populo, *Genere inest*, *Organismi Humani*, 3 Instituti socialis s. reipublicæ (pro libertate & securitate), *Civilis Organismi*, 4 Civitatis propriæ, s. *Politici Organismi*, vires atque effectus.

Th. V.

Eidosistice Finlandiæ Nationalis systematicam continet & luculentam descriptionem præstantiæ & magnitudinis, qua certa tempestate Finlandia pollet.

Not. Systematica & luculenta descriptio nobis est philosophica expositione momenti presentis, in qua & ad præteritam ut *Evolutionis Nationalis* causam accurate respicimus, & futurum ut sequelam prudenter prævidemus.

Th. VI.

Propedeuticen generalem Eidosistices Nationalis efficit historia Evolutionis, quæ in a) Terra, b) Natione, c) Republica (Societate civili) & d) in Civitate politica conspicitur. *Specialis* vero fontes apperit, unde pro terra quadam, quærenda est Eidosistices materies. Hæ fontes partim publicæ sunt partim privatæ.

Th. VII.

Eidosistice Nationalis generaliter dispescita comprehendit igitur Eidosisticen a Terræ, b Populi, c Republicæ & d Civitatem.

tatis. Hæ partes principales non tantum absolute, quatenus
discretæ sunt & separatæ, sed etiam universaliter & relative
quatenus actio mutua & reciproca in ipsis inest, pertractandæ
sunt atque considerandæ.

Not. 1. Eidosistice Civitatis, Statisticae, si ita placet, appellari potest.

Not. 2. Libuisset quidem nobis Eidosistices generalis dispositionem &
Schematismum proponere; arctis vero finibus circumscripti
hanc rem prætermittere cogimur.

Th. VIII.

Si ad *Evolutionem Nationis*, quatenus revera adparet,
animum tantum attendimus, id fingentes, omnia, quæ facta
sunt, fiunt atque futura sunt, præclare se habuisse, habere
habituraque esse; tum non nisi in externo arbitrio fundamen-
tum scientiæ locamus, atque adeo omni ulteriori in disciplinis
practicis instituendæ finem imponimus disquisitioni. Ejus in-
dolis est disciplina, quam *Oeconomia Publicæ* nomine insigni-
tam legibus politicis positivis innixam proposuerunt. Hanc
cum *Oeconomia Nationali*, cuius objectum materiale totum
est hominum genus, quatenus evolutio ipsius, quam fieri
potest consumatissime, perficienda est, minime licet confundere.

Th. IX.

Jam finiti denique statuimus, quod forsitan παραδοξόν
videbitur: *Oeconomiam Nationalem* rite spectatam scientiam
esse generalem, ceteris fundamenta substruentem, adeoque &
Ethicen & *Jus Naturæ*, utraque inde derivata, plane ad-
sumentem.
